



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

Festvm Resvrrrectionis D. N. Iesv Christi.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

9
FESTA MOBILIA.

FESTVM RESVRRECTIONIS D.N.
IESV CHRISTI.

IO triumphe! Io! Vicisti Christe amor
meus! agnosco vultum victorem,
& victricem, quâ hostis meus cecidit,
manum: video in bono Duce victoriae
vestigia, plagas adversas: laudo trophæum
nobile, Crucis arborem. Ecce ante currus
triumphales cum mundo dæmonē, cum
morte carnem. Io! cæli plaudite: aër insona:
triumphū clamate litora: terra resulta: & tu
Echo mille hodie ora indue. Heus! adeste
quotquot estis mundi cives! quercus,
imò nemora spoliare, & Servatori vestro
Civicam ferte. Agite veris arva latissima,
rectè omne, quod vobis est, gramen
suppeditatis. Nam *obsidionalem* non jam
urbs, sed orbis debet obsidio dæmonis
liberatus. Eia, quid moras nectitis,
qui in lacrimis natatis naufragi? quin
tabulas colligitis, & *Navalem* paratis
illi, qui victor Stygem trajecit? Quin
Castrensi ornatis eum, qui primus castra
Phlegethontis victor transcendit? Ecce
Angeli ramis suis Palladem spoliare
feruntque *Oleaginam* illi, qui pacem
DEVM inter & homines potuit componere.
Sed nunquid *Triumphalis*

A s obli-

obliviscemur coronæ? Ecce ultro laurus in sertum abit, aeternam viriditatem sperans, si hæc tempora contigerit. Sed & tu abi in ignes omne aurum, & exi corona Triumphatori meo. At tu cape has coronas victor Amor, & si omnibus his rosæ sese immisceant, ne has repudia. Spinæ nuperæ dederunt.

FESTVM ASCENSIONIS
D.N. IESV CHRISTI.

IO! iterum: iterum Ioliterum Triumphæ! Ecce amor meus triumphans Capitolium coeleste petit! Ecce obvios omnes cæli cives! Ecce ereptos orco & servatos Patres, omnes cæli libertate pileatos! O numerum daretur horum augere! ô ultima triumphæ appendix pedibus hære posse triumphantis! Vicisti eja Amor Christe amatum. Eui manus do victas. Victum eccur non etiam in triumphum ducis? Ecce sequar vel vincetus currum. Heu mihi! sine me hem jam nubes transit, hem Christus habet muros! Hæc nimirum ab inferis reduci victori unica corona deerat, *Muralis*. Hanc quoque, dum primus hodie amor meus in cæli mœnia evadit, primus tulit. Sed ne animum despondete ceteri, qui bellum cælo facitis, & victricem cælum itis expugnatum. Auferet (iterum moneo) hanc etiam secundus, tertius, etiam ultimus. Imò ultimus
dri-